

IV CONVOCATORIA DE AXUDAS DA CÁTEDRA DO CAMIÑO DE SANTIAGO E DAS PEREGRINACIÓNS PARA PROXECTOS DE INVESTIGACIÓN SOBRE O CAMIÑO DE SANTIAGO E AS PEREGRINACIÓNS - 2021

A Universidade de Santiago de Compostela é unha institución de dereito público dotada de personalidade xurídica e patrimonio propio, constituída polos campus de Santiago de Compostela e Lugo, que asume e desenvolve as súas funcións como servizo público esencial á comunidade mediante o estudo, a docencia, a investigación e a transferencia do coñecemento, actividades para as que desfruta de autonomía, de acordo cos seus estatutos e no marco da lexislación vixente.

Os Estatutos da Universidade de Santiago de Compostela recollen no seu artigo 4.4 que para o mellor desenvolvemento das súas funcións, a USC propiciará o establecemento de relacións con outras universidades, organizacións e institucións, e moi en particular coas de carácter académico, científico e cultural.

Co obxectivo de fomentar o coñecemento histórico e actual do Camiño de Santiago e das Peregrinacións, así como a promoción e difusión dos valores a eles asociados nas súas diferentes facianas, cumprindo deste xeito cos fins para a que foi creada a Cátedra do Camiño de Santiago e das Peregrinacións da USC, a Vicerreitoría de Planificación, Tecnoloxías e Sustentabilidade resolve convocar a IV Edición de Axudas para Proxectos de Investigación sobre o Camiño de Santiago e as Peregrinacións segundo ás seguintes

BASES

OBXECTO DA CONVOCATORIA:

Convocar para o exercicio 2021, en réxime de concorrencia competitiva tres axudas para Proxectos de Investigación sobre o Camiño de Santiago e as Peregrinacións.

O período de execución dos proxectos de investigación será o comprendido entre o 1 de setembro de 2021 e 30 de novembro de 2021.

CONTÍA DA AXUDA E FINANCIAMENTO:

As axudas que se concedan de conformidade a esta convocatoria serán tres como máximo, e financiaranse con cargo á partida orzamentaria da Cátedra Institucional do Camiño de Santiago e as Peregrinacións 5075.4326.22900 para o exercicio 2021, cun importe máximo para cada Axuda de 2.000 (dous mil) euros.

As axudas poderán financiar hasta o 100 por 100 dos custos marxinais do proxecto de investigación e poderán utilizarse para financiar os seguintes gastos derivados directamente da execución do proxecto:

- Adquisición de pequenos equipamentos científico-técnicos
- Material Bibliográfico
- Material Funxible
- Axudas de custo e locomoción
- Pagamento a outras entidades pola utilización de servizos necesarios para a investigación
- Gastos asociados á publicación científica.
- Adquisición de material informático (ordenadores, portátiles, impresoras, tablets, smartphones, etc)

En ningún caso poderán ser destinadas as axudas a custos de persoal.

REQUISITOS PARA OPTAR ÁS AXUDAS:

Poderán ser beneficiarios das axudas, todas aquelas universidades e entidades que teñan actividade e finalidade investigadora, personalidade xurídica propia e capacidade suficiente de obrar.

As solicitudes deberán ser presentados por persoas físicas con capacidade investigadora vinculadas as entidades mencionadas no parágrafo anterior (doutorandos/as,

investigadores/as, profesores/as universitarios, nacionais ou estranxeiros/as) que desenvolvan a súa actividade investigadora sobre o Camiño de Santiago e as Peregrinacións.

Quedarán excluídas desta convocatoria aquelas propostas presentadas para proxectos que xa percibiran axudas financiadas pola cátedra nos últimos tres anos.

PRESENTACIÓN DAS SOLICITUDES:

As solicitudes presentaranse a través do rexistro electrónico da USC e dirixiranse á Vicerreitoría de Planificación, Tecnoloxías e Sustentabilidade.

(<https://sede.usc.es/sede/publica/persoais/registroEntrada/acceso.htm>)

As persoas que non sexan quen de usar o rexistro electrónico poderán presentar a súa solicitude por calquera dos medios recollidos no artigo 16.4 da Lei 39/2015, de 1 de outubro, de procedemento administrativo común das administracións públicas. Poderán tamén facer chegar a súa solicitude ao correo electrónico vr.planificación@usc.gal ou as Oficinas de asistencia en materia de rexistros da USC (Colexio San Xerome, Praza do Obradoiro s/n, 15782, Santiago de Compostela ou Biblioteca Intercentros, Campus Universitario, 27002 Lugo) dirixidas á Vicerreitoría de Planificación, Tecnoloxías e Sustentabilidade.

O prazo de presentación de solicitudes será de 30 días hábiles contados a partir do seguinte ao da publicación desta convocatoria no taboleiro electrónico da USC.

A solicitude deberá ir acompañada da seguinte documentación

1. Descrición do proxecto de investigación (máximo 15.000 caracteres, espazos incluídos), que recolla, como mínimo, os seguintes elementos:
 - Título
 - Resumo
 - Proposta científica: Antecedentes e estado actual do tema de estudo, hipótese de partida e obxectivos xerais, obxectivos específicos, metodoloxía e cronograma (máximo 10.000 caracteres, espazos incluídos)
 - Plan de difusión e impacto esperado dos resultados (máximo 5.000 caracteres, espazos incluídos).

2. Currículo Vitae Abreviado (CVA) da persoa solicitante da axuda (máximo 5.000 caracteres, espazos incluídos).
3. Declaración responsable da persoa solicitante da axuda de que non percibe ou ten solicitado axudas, ingresos ou recursos para a mesma finalidade, procedentes da USC.

Rematado o prazo de presentación de solicitudes ditarase resolución, declarando aprobada a listaxe provisional de solicitudes admitidas e excluídas que poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>), con indicación neste último caso da/s causa/s de exclusión.

Disporase dun prazo de cinco días hábiles, contados a partir do seguinte ao da publicación da citada resolución, para poder emendar a solicitude.

As emendas presentarase a través do rexistro electrónico da USC dirixidas á Vicerreitoría de Planificación, Tecnoloxías e Sustentabilidade .

Unha vez resoltas, de ser o caso, as emendas presentadas, publicarase no taboleiro electrónico da USC a listaxe definitiva de solicitudes admitidas.

AVALIACIÓN DAS PROPOSTAS:

Os criterios de valoración que se terán en conta para a concesión da axuda son os seguintes:

1. Xustificación do proxecto (máximo 40 puntos)
 - a) Análise do tema a abordar (máximo 20 puntos): valorarase a presentación dun diagnóstico do tema que se pretende estudar.
 - b) Coherencia do proxecto no seu conxunto (máximo 20 puntos): valorarase a adecuación dos obxectivos, metodoloxía e actividades.
2. Contido do proxecto (máximo 40 puntos):
 - a) Proposta do programa de traballo a desenvolver e perfil dos centros onde se desenvolverá a investigación (máximo 20 puntos).
 - b) Aspectos innovadores do proxecto (20 puntos, cun máximo de 10 puntos por indicador).
3. Plan de difusión dos resultados do proxecto (20 puntos)

COMISIONS DE AVALIACIÓN:

A comisión que se encarga da avaliación estratéxica e de oportunidade das solicitudes, así como de resolver todas as dúbidas que puidesen xurdir na aplicación desta convocatoria estará composta por:

- Presidente: Gumersindo Feijoo Costa. Vicerreitor de Planificación, Tecnoloxías e Sustentabilidade
- Secretario: Miguel Taín Guzmán, Director da Cátedra do Camiño e das Peregrinacións
- Vogal: Maria José López Couso. Vicerreitora de Titulacións.

Os membros desta comisión deberá absterse de intervir cando concorran neles circunstancias previstas no artigo 23 da Lei 40/2015 do 1 de outubro, de réxime xurídico do sector público. Así mesmo, as persoas aspirantes poderán recusar aos membros da comisión cando concorran algunha das circunstancias previstas no antedito artigo.

A Comisión será convocada polo presidente/a e estará validamente constituída coa asistencia, como mínimo, do presidente e o secretario.

ACTUACIÓN DA COMISIÓN DE AVALIACIÓN

Unha vez avaliadas todas as solicitudes admitidas, a comisión publicará no taboleiro electrónico da USC o acordo provisional co reparto das axudas, no que se establecerá tamén unha listaxe de agarda no caso de haber solicitudes suficientes. Establécese un prazo de 5 días hábiles, contados a partir do seguinte á publicación deste acordo provisional, para presentar reclamacións a través da sede electrónica da Universidade de Santiago de Compostela dirixidas á Vicerreitoría de Planificación, Tecnoloxías e Sustentabilidade.

Unha vez resoltas as reclamacións, no caso de habelas, a comisión publicará o acordo definitivo co reparto das axudas no taboleiro electrónico da USC.

ACEPTACIÓN DA AXUDA ECONÓMICA:

As persoas responsables dos proxectos aos que se lles concede a axuda deberán presentar no prazo máximo de 5 días hábiles, contados a partir da publicación do acordo definitivo, unha carta de aceptación expresa da axuda a través do rexistro electrónico da USC, dirixido á Vicerreitoría de Planificación, Tecnoloxías e Sustentabilidade.

Se para algún dos proxectos seleccionados non se presentara a carta de aceptación no prazo establecido ou se comunica a renuncia expresa á axuda, a comisión de avaliación poderá acordar a concesión da axuda seguindo a orde de puntuación da listaxe de agarda, no caso de habela.

INICIO, SEGUIMENTO E DESENVOLVEMENTO DOS PROXECTOS:

A data de inicio das actividades non poderá ser anterior ao 1 de setembro de 2021, nin rematar con posterioridade ao 30 de novembro de 2021.

Antes do 10 de decembro de 2021, a persoa responsable do proxecto deberá achegar, a través do rexistro electrónico da USC e dirixida á Vicerreitoría de Planificación, Tecnoloxías e Sustentabilidade, unha memoria final científico-técnica, que inclúa a descrición da totalidade das actividades realizadas no proxecto e na que se recollan os medios humanos e materiais empregados, as experiencias do funcionamento e, de ser o caso, as persoas participantes. A devandita memoria conterá os logotipos da USC, da Cátedra, da Catedral de Santiago, da Xunta de Galicia e demais logos estipulados pola CCAA (Marca Galicia e Xacobeo 21) e será publicada na web da Cátedra do Camiño

OBRIGAS PARA OS PROXECTOS BENEFICIARIOS DAS AXUDAS:

A participación nesta convocatoria implica a aceptación e cumprimento das normas e requisitos recollidos nesta resolución, e en concreto:

- a) Realizar as actividades descritas na solicitude das axudas e responsabilizarse da súa correcta execución.
- b) Realizar o proxecto de conformidade co obxecto e/ou finalidade para a que se concede.
- c) Incorporar de forma visible os logotipos da USC, da Cátedra, da Catedral de Santiago, da Xunta de Galicia e demais logos estipulados (marca Galicia e Xacobeo 21) no material e actividades que se desenvolvan e así mesmo, facer constar expresamente en toda a publicidade, publicacións ou presentacións públicas que se realice do proxecto que esta financiado con fondos da Cátedra Institucional da USC do Camiño de Santiago e das Peregrinacións.
- d) Entregar a memoria científico técnica final no prazo establecido.
- e) Someterse ás actuacións de supervisión e control que poidan realizar os órganos competentes, achegando información sexa requirida no exercicio das actuacións anteriores.

- f) Asistir a todas as actividades programadas pola Cátedra durante os meses de setembro, outubro e novembro.
- g) Presentar os resultados da investigación na xornada "Investigando coa Cátedra do Camiño" ou similar.

REINTEGRO DA FINANCIACIÓN DO PROXECTO:

Serán causa de reintegro da cantidade percibida, as seguintes:

1. O incumprimento total ou parcial do proxecto ou calendario de execución do plan de investigación.
2. O incumprimento da obriga de entregar a memoria final científico-técnica nos termos e prazos sinalados nesta convocatoria.
3. Calquera modificación significativa sobre o contido do proxecto que non sexa autorizada previamente pola Vicerreitoría de Planificación, Tecnoloxías e Sustentabilidade.
4. O incumprimento das obrigas e compromisos asumidos pola persoa solicitante da axuda beneficiario do proxecto recollidos na presente convocatoria.

Disposición final primeira. Réxime xurídico

Para o que non estea previsto nesta resolución seralle aplicable o disposto na Lei 39/2015, de 1 de outubro, de procedemento administrativo común das administracións públicas e na Lei 40/2015, do 1 de outubro, do réxime xurídico do sector público.

Disposición final segunda. Entrada en vigor

A presente resolución entrará en vigor ao día seguinte da súa publicación no taboleiro electrónico da USC.

Contra a presente resolución, que esgota a vía administrativa, poderá interpoñerse recurso contencioso-administrativo perante o xulgado do contencioso-administrativo de Santiago de Compostela/Lugo no prazo de dous meses a contar desde o día seguinte da súa publicación, de conformidade cos artigos 46 e 8.2.a) da Lei da xurisdición contencioso administrativa, aprobada por Lei 29/1998, do 13 de xullo.

Non obstante, as persoas interesadas poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpor o recurso

contencioso-administrativo anteriormente indicado en tanto non recaía resolución expresa ou presunta do recurso administrativo de reposición, ao abeiro dos artigos 123 e 124 da Lei 39/2015, do 1 de outubro, do Procedemento Administrativo Común das Administracións Públicas.

Santiago de Compostela,

Gumersindo Feijoo Costa

Vicerreitor de Planificación, Tecnoloxías e Sustentabilidade

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

Sinatura dixital / Firma digital / Digital signature

Asinante/Firmante/Signer: GUIMERSINDO FEIJOO COSTA, VICERREITOR DE PLANIFICACION TECNOLOXIAS E SUSTENTABILIDADE, UNIVERSIDAD DE SANTIAGO DE COMPOSTELA, 19/05/2021 13:06:14.

CSV: 22A1-D40C-49EE-B46C